



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU **POLITIČKOG POKRETA MLADIH – STRANKE MLADIH BOSNE I HERCEGOVINE**

Broj: 03-07-6-1519/09
Sarajevo, 19. aprila 2010. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Političkog pokreta mladih - Stranke mladih Bosne i Hercegovine i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Politički pokret mladih - Stranka mladih Bosne i Hercegovine je prekršila odredbe člana 4. stav (2) i člana 11. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene pod 1., nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka i člana 15.10 Izbornog zakona BiH.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled finansijskih izvještaja Političkog pokreta mladih - Stranke mladih Bosne i Hercegovine i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja ova politička stranka iskazala je prihode u iznosu od 19.493,69 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	0,00	6,41 %
2	Prilozi fizičkih lica	11.146,00	57,18 %
3	Prilozi pravnih lica	0,00	0,00 %
4	Prihodi od imovine	0,00	0,00 %
5	Prihodi od pravnih lica	0,00	0,00 %
6	Prihodi od poklona	1.000,00	5,13 %
7	Prihodi iz budžeta	6.097,69	31,28 %
	Ostali prihodi	0,00	0,00 %
	Ukupni prihodi:	19.493,69	100,00%

U godišnjem finansijskom izvještaju ova politička stranka je iskazala ukupne rashode u iznosu 28.804,15 KM.

2. PREDSTAVLJANJE POLITIČKE STRANKE

Naziv političke stranke: Politički pokret mladih - Stranka mladih Bosne i Hercegovine. Skraćeni naziv stranke je Pokret mladih-Stranka mladih BiH.

Politički pokret mladih - Stranka mladih Bosne i Hercegovine je dana 02.03.2006. godine registrovana u Općinskom sudu u Sarajevu pod brojem 065-0-Reg-06-000360.

Sjedište političke stranke je u Sarajevu, ulica Zelenih beretki 4/III.

Za zastupanje stranke ovlašten je Vedran Dodik, predsjednik.

Lice ovlašteno za podnošenje finansijskih izvještaja za 2008. godinu je Ferida Muratspahić.

Prema podacima iz godišnjeg finansijskog izvještaja za 2008. godinu, Politički pokret mladih - Stranka mladih Bosne i Hercegovine nema nižih organizacionih dijelova.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Političkog pokreta mladih - Stranke mladih Bosne i Hercegovine za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

Obim pregleda i kontrole finansijskih izvještaja Političkog pokreta mladih - Stranke mladih Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE REVIZIJE

Služba za reviziju je obavila pregled godišnjeg finansijskog izvještaja Političkog pokreta mladih - Stranke mladih BiH za 2006. godinu i izdala izvještaj o pregledu sa mišljenjem, nalazima i preporukama.

Služba za reviziju je, takođe, izvršila pregled godišnjeg finansijskog izvještaja Političkog pokreta mladih - Stranke mladih BiH za 2007. godinu izdala izvještaj o pregledu sa mišljenjem revizora da je stranka postupala u skladu sa Zakonom o finansiranju političkih stranaka.

5. NALAZI I PREPORUKE

5.1. NALAZI

a) Na osnovu obavljenog pregleda utvrđeno je da je stranka postupila suprotno odredbama člana 4. stav (2) Zakona o finansiranju političkih stranaka.

Politički pokret mladih - Stranka mladih Bosne i Hercegovine je u obrascu 3-e iskazala nenovčanu donaciju u iznosu od 1.000,00 KM. Obzirom da stranka u svojoj dokumentaciji nema račun, odnosno ugovor o poklonu - putničko vozilo, prekršene su odredbe člana 4. stav (2) Zakona o finansiranju političkih stranaka.

b) Politički pokret mladih - Stranka mladih Bosne i Hercegovine je prekršila odredbe člana 11. stav (1) i stav (4) Zakona o finansiranju političkih stranaka.

- Stranka ne vodi evidencije o svojim prihodima i rashodima, čime je prekršila odredbe člana 11. stav (1) Zakona o finansiranju političkih stranaka.¹
- Politički pokret mladih - Stranka mladih Bosne i Hercegovine je nakon izdavanja Preliminarnog izvještaja o pregledu godišnjeg finansijskog izvještaja za 2008. godinu dostavio dio dodatne dokumentacije. Obzirom da stranka nije dostavila kompletnu dodatnu dokumentaciju (izvode sa transakcijskog računa za period 09.09.-29.09. i 29.11.-31.12.2008.

¹ Obavjest stranke od dana 25.08.2009. da stranka ne posjeduje knjigu analitičke evidencije.

godine, račun za poklon i sve račune za usluge štampanja plakata i plakatiranje), prekršila je odredbe člana 11. stav (4) Zakona o finansiranju političkih stranaka.

Troškovi predizborne kampanje

Politički pokret mladih - Stranka mladih Bosne i Hercegovine je postupila u skladu sa odredbama člana 15.10 Izbornog zakona BiH, odnosno u svrhu predizborne kampanje je potrošio 21.651,04 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Politički pokret mladih - Stranka mladih Bosne i Hercegovine je u svrhu izborne kampanje mogao da potroši 257.846,10 KM.

5.2. PREPORUKE

Preporučuje se Političkom pokretu mladih - Stranci mladih Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 4. stav (2), člana 11. stav (1) i stav (4) Zakona o finansiranju političkih stranaka, odnosno*
 - *da obezbijedi račune za primljene poklone,*
 - *da vodi evidencije o svojim prihodima i rashodima i*
 - *da dostavlja dodatnu dokumentaciju na zahtjev Centralne izborne komisije BiH.*

- *da uspostavi knjigovodstvene evidencije.*

KOMENTAR:

Politički pokret mladih - Stranka mladih Bosne i Hercegovine je nakon izdavanja Preliminarnog izvještaja o pregledu godišnjeg finansijskog izvještaja za 2008. godinu dostavila dio dodatne dokumentacije. Nakon što je Služba za reviziju obavila pregled dodatne dokumentacije koju je stranka dostavila, utvrđeno je da stranka u svojoj dokumentaciji nema račun odnosno ugovor o poklonu - putničko vozilo, čime je prekršila odredbe člana 4. stav (2) Zakona o finansiranju političkih stranaka, što je u formi nalaza ugrađeno u Izvještaj o pregledu godišnjeg finansijskog izvještaja za 2008. godinu.

Hasida Gušić, šef Službe za reviziju

Sanja Čabrilo, revizor

Željko Bakalar, pomoćnik revizora

² Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

